

No. 472. 1353. 31. Juli.

*Abt Dietrich und der Convent des Cistercienserklusters zu Dobrilugk bekennen von den Aebten zu Pforta, Altzelle, Buch, Grünhain und Neuzelle die nach dem Beschluss des Generalcapitels ihres Ordens zu zahlenden Beträge empfangen zu haben, und versprechen wegen der in Rom anhängigen Streitsache mit dem B. Johann sie nicht im Kostenpuncte zur Mitleidenschaft ziehen zu wollen.*

Nos frater Theodericus abbas monasterii in Doberluch totusque ibidem conventus omnibus et singulis praesentia visuris, auditoris seu lectoris recognoscimus publice protestantes, quod reverendi et dilecti nobis in Christo patres ac domini, domini in Porta, in Cella, in Buch, in Gruenhayn atque in Nova Cella monasteriorum abbates nobis de contributionibus eisdem a reverendis patribus ac dominis dominis in Campo et in Walkenrede monasteriorum abbatibus auctoritate generalis capituli inpositis amicabiliter satisfecerunt, quibus promissimus nihilominusque tenore praesentium promittimus, quod in huiusmodi causa monasterio nostro et nobis a reverendo patre ac domino, domino Johanne episcopo Misnensis ecclesiae contra nostri ordinis libertates mota et diutine iam in Romana curia ventilata nihil omnino deinceps pro subsidio et defensione causae praeexpressae volumus extorquere. In cuius rei evidens testimonium praesentem litteram nostris sigillis dedimus communitam anno domini M°.CCC°.LIII°. in vigilia beati Petri apostoli ad vincula.

Nach dem Orig. im K. Haupt-Staatsarchiv zu Dresden mit Siegelbruchstücken an einem Pergamentstreifen.

No. 473. 1353. 20. Oct.

*B. Johann beurkundet mit dem Abt und Convent zu Dobrilugk für sich und seine Nachkommen dahin sich geeinigt zu haben, dass dem Bischof bei seiner Anwesenheit im Kloster 15 Tage lang in der Fastenzeit mit 30 Mann und Pferden und Wagen Unterkommen und Verpflegung, bei einer grössern Zahl von Begleitern dieser jedoch nur für die erste und die letzte Nacht zu gewähren sei.*

Nos Johannes dei gratia episcopus ecclesiae Misnensis tenore praesentium recognoscimus, quod in causa, quae inter nos ex una et religiosos viros dominos Th. abbatem, Conradum priorem et conventum monasterii Dobirlucensis — parte ex altera, super procuratione annua nobis et episcopis Misnensibus pro tempore annis singulis per quindenam integram in quadragesima in dicto monasterio, cum ad ipsum dicto quadragesimali tempore declinarem et declinarent, vertebatur, sumus cum dictis dominis abbate, priore et conventu amicabiliter concordati, ita videlicet, quod quandocumque nos aut nostri successores dicto quadragesimali tempore ad dictum monasterium declinaverimus et declinaverint, ipsi nos et eos procurare tenebuntur per XV dies continuos et procurationem praestare cum XXX equitaturis et personis ad huiusmodi equitaturas pertinentibus, nobisque et nostris alimenta necessaria providere. Si vero nos et dictos nostros successores propter malum statum terrarum plures personas et equos nobiscum et secum adducere oporteret, illas et illos procurare tenebuntur per primam noctem, sequenti vero die nos et dicti nostri successores ipsas et